



Broj: 10/E-11-3894/22  
Sarajevo, ~~01-07-2022~~ godine

Na osnovu člana 69. stav (2), tačka d), člana 70. stav (4) Zakona o javnim nabavkama Bosne i Hercegovine ("Službeni glasnik BiH", br. 39/14) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a na prijedlog Komisije za nabavku roba, usluga i radova II imenovana rješenjem broj: 10-45-1840/22 od 22.02.2022.godine i broj: 10-45-1840/22-1 od 24.03.2022.godine, u daljem tekstu: Komisija, u postupku javne nabavke za izvođenje radova na izgradnji tipiziranih objekata jednostavnih usluga, (Zapisnik o pregledu i ocjeni ponuda broj: 10/E-11-3894/22 od 30.06.2022.godine), Opštinski načelnik d o n o s i:

## **O D L U K U O P O N I Š T E N J U P O S T U P K A**

**I** Poništava se postupak javne nabavke izvođenje radova na izgradnji tipiziranih objekata jednostavnih usluga, putem otvorenog postupka, iz razloga što nije dostavljena nijedna prihvatljiva ponuda, u skladu sa članom 69. stav (2) tačka d) Zakona o javnim nabavkama Bosne i Hercegovine ("Službeni glasnik BiH", br. 39/14).

**II** Ova odluka stupa na snagu danom donošenja i dostavlja se ponuđaču koji je učestvovao u postupku javne nabavke u roku od 7 dana, shodno članu 71. Zakona i ista će biti objavljena na Internet stranici Općine Centar Sarajevo.

## **O b r a z l o ž e n j e**

Postupak javne nabavke za izvođenje radova na izgradnji tipiziranih objekata jednostavnih usluga, pokrenut je Posebnom Odlukom Općinskog načelnika broj: 10/E-11-3894/22 od 08.06.2022. godine.

Javna nabavka je provedena putem otvorenog postupka, a procijenjena vrijednost javne nabavke je 85.470,00 KM bez PDV-a.

Obavještenje o nabavci broj: 848-1-3-111-3-55/22 objavljeno je na Portalu javni nabavki dana 08.06.2022.godine.

Komisija za nabavku roba, usluga i radova II dostavila je Zapisnik o pregledu i ocjeni ponuda od 30.06.2022.godine, uz preporuku za poništenje postupka javne nabavke br.: 10/E-11-3894/22 za izvođenje radova na izgradnji tipiziranih objekata jednostavnih usluga.

U određenom roku za predaju ponuda, 27.06.2022. godine do 12,00 sati, dostavljena je 1 (jedna) ponuda, i to od ponuđača: „NERKAL“ D.O.O. PAZARIĆ.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitana je cijena ponuda, kao kriteriji „najniža cijena“, kako slijedi:

r/b	Ponuđač	Ukupna cijena ponude za bez PDV-a	Popust	Ukupna cijena u KM sa PDV-om
1.	„NERKAL“ d.o.o. Pazarić	108.164,00	-	126.551,88

Nakon izvršenog otvaranja ponuda Komisija II je pristupila detaljnoj analizi dokumentacije priložene uz ponudu u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, procedurama utvrđenim tenderskom dokumentacijom i u skladu sa Zakonom, odnosno pripadajućim podzakonskim aktima.

Komisija II je uvidom utvrdila da dostavljena ponuda ne ispunjava formalno pravne, ekonomske i tehničke uslove, odnosno zahtjeve Ugovornog organa.

**Ponuđač „NERKAL“ d.o.o. Pazarić, ul. Bjelašnička 34, Pazarić** nije dostavio tražene dokaze o ispunjavanju uslova tenderske dokumentacije i to za tačke:

**- Tačka 6.1. OPIS PREDMETA JAVNE NABAVKE, podtačka 6.1.6.**

*6.1.6. Količinske i tehničke specifikacije radova date su u posebnom prilogu ovoj tenderskoj dokumentaciji kao excel dokument zbog lakšeg unošenja jediničnih cijena i izračuna ukupnih cijena po stavkama.*

**Napomena:**

**Ponuđač se obavezuje da popunjenu i potpisanu excel tabelu dostavi odštampane u ponudi i snimljene na CD.**

Ponuđač nije dostavio količinske i tehničke specifikacije radova ni u printanoj niti u elektronskoj formi (snimljene na CD-u).

**- Tačka 7.1. LIČNA SPOSOBNOST**

*7.1.2 U svrhu ispunjavanja uslova iz prethodne tačke ponuđači trebaju dostaviti Izjavu ovjerenu kod nadležnog organa (organ uprave, sud ili notar) da se na njih ne odnose slučajevi definisani tačkom 7.1.1 od a) do d) tenderske dokumentacije.*

*Dostavljena izjava ne može biti starije od 15 dana od dana predaje ponude u ovom postupku javne nabavke.*

*Izjava se dostavlja u formi utvrđenoj **Aneksom 3** tenderske dokumentacije;*

***Napomena: Ponuđač može uz Izjavu tj. uz svoju ponudu, odmah dostaviti i tražene dokaze koji su navedeni u izjavi. Ovim se ponuđač oslobađa obaveze naknadnog dostavljanja dokaza ako bude izabran. Dostavljeni dokazi moraju biti originalni ili ovjerene kopije i ne mogu bit stariji od tri mjeseca, računajući od dana predaje ponude.***

Ponuđač je dostavio u svojoj ponudi Izjavu u formi Aneksa 3 ali ista nije propisno ovjerena od strane nadležnog organa, te samim tim nije dostavljena na ispravan način.

**- Tačka 7.6. SUKOB INTERESA**

*7. 6.1 U skladu sa članom 52. Zakona, kao i sa drugim važećim propisima u BiH, ugovorni organ će odbiti ponudu ukoliko je ponuđač koji je dostavio ponudu, dao ili namjerava dati sadašnjem ili bivšem zaposleniku ugovornog organa poklon u vidu novčanog iznosa ili u nekom drugom obliku, u pokušaju da izvrši uticaj na neki postupak ili na odluku ili na sam tok postupka javne nabavke. Ugovorni organ će u pisanoj formi obavijestiti ponuđača i Agenciju za javne nabavke o odbijanju ponude, te o razlozima za to i o tome će napraviti zabilješku u izvještaju o postupku nabavke.*

*Ponuđač je dužan uz ponudu dostaviti i posebnu pismenu izjavu ovjerenu kod nadležnog organa (organ uprave ili notar) da nije nudio mito niti učestvovao u bilo kakvim radnjama čiji je cilj korupcija u javnoj nabavci.*



*Izjava je prilog tenderskoj dokumentaciji (Aneks 6).*

Ponuđač je dostavio u svojoj ponudi Izjavu u formi Aneksa 6 ali ista nije propisno ovjerena od strane nadležnog organa, te samim tim nije dostavljena na ispravan način.

#### **- Tačka 7.2. SPOSOBNOST OBAVLJANJA PROFESIONALNE DJELATNOSTI**

*7.2.1 Što se tiče sposobnosti za obavljanje profesionalne djelatnosti u skladu sa članom 46. Zakona, ponuđači moraju biti registrovani za obavljanje djelatnosti koja je predmet javne nabavke.*

*U svrhu dokazivanja profesionalne sposobnosti ponuđači trebaju u ponudi dostaviti dokaz o registraciji u odgovarajućem profesionalnom ili drugom registru u zemlji u kojoj su registrovani ili da obezbjede posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa predmetom nabavke. Dostavljeni dokazi se priznaju, bez obzira na kojem nivou vlasti su izdati.*

##### **Dokaz za tačku 7.2.1.:**

***Aktuelni izvod iz sudskog registra ili Rješenje u upisu u sudski registar ili izjavu/potvrdu nadležnog organa iz kojeg se vidi da je ponuđač registrovan za obavljanje djelatnosti koja je predmet ove nabavke.***

Ponuđač nije dostavio traženi dokaz prema zahtjevu tenderske dokumentacije točka 7.2.

#### **- Tačka 7.3. EKONOMSKA I FINANSIJSKA SPOSOBNOST**

*7.3.1 Što se tiče ekonomske i finansijske sposobnosti, u smislu člana 47. tačka d) Zakona o javnim nabavkama, ponuda će biti odbačena ako ponuđač ne ispunji sljedeće minimalne uslove i to:*

- da je ponuđač ostvario promet na izvođenju radova koji su predmet nabavke u posljednje 3 (tri) finansijske godine ili od datuma registracije, odnosno početka poslovanja u predmetnom segmentu, ako je ponuđač registrovan, odnosno počeo sa radom prije manje od tri godine*

*7.3.2. Ocjena ekonomske i finansijske sposobnosti će se izvršiti prema na osnovu dostavljene ovjerene*

***Izjave od strane ponuđača koja se dostavlja u formi utvrđenoj u Aneksu 4. Tenderske dokumentacije i sljedeće dokumentacije:***

*Izjava propisana od strane Agencije za javne nabavke (Aneks 4.) o ispunjavanju uslova za tačku 7.3.1. uz obavezno dostavljanje sljedećih dokumenata:*

- a) Obična kopija spiska – referens lista o ostvarenom prometu u posljednje 3 (tri) finansijske posljednje 3 (tri) finansijske godine ili od datuma registracije, odnosno početka poslovanja u predmetnom segmentu, ako je ponuđač registrovan, odnosno počeo sa radom prije manje od tri godine.***

Ponuđač nije dostavio dokaz u skladu sa zahtjevom Ugovornog organa, odnosno nije dostavio običnu kopiju spiska- referenc listu o ostvarenom prometu u posljednje 3 godine, čime nije ispunio uslov tačke 7.3. tenderske dokumentacije.

Komisija II je u daljem radu donijela jednoglasnu odluku da se Opštinskom načelniku dostavi

## PREPORUKA O PONIŠTENJU POSTUPKA

U skladu sa Zapisnikom o pregledu i ocjeni ponuda od 30.06.2022.godine utvrđeno je da nije dostavljena nijedna prihvatljiva ponuda, u skladu sa članom 69. stav (2) tačka d), čime su se stekli zakonski uslovi za poništenje postupka nabavke za izvođenje radova na izgradnji tipiziranih objekata jednostavnih usluga.

Iz navedenog razloga, primjenom člana 69. stav (2) tačka d) Zakona o javnim nabavkama BiH ("Službeni glasnik BiH", br. 39/14), te da Opštinski načelnik u postupku navedene nabavke nije našao razloge, niti nepravilnosti u radu Komisije koji bi eventualno bili osnov za neprihvatanje preporuke Komisije, te je odlučeno kao u dispozitivu ove Odluke.

**Pouka o pravnom lijeku:** Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke shodno članu 101. Zakona.

**OPŠTINSKI NAČELNIK**

Srđan Mandić

Prilog: Zapisnik o pregledu i ocjeni ponuda  
broj: 10/E-11-3894/22 od 30.06.2022.godine

### DOSTAVITI:

1. Ponuđaču „NERKAL“ d.o.o. Pazarić, ul. Bjelašnička 34, Pazarić
2. Službi za stambene i komunalne poslove
3. Službi za finansije
4. Kabinetu općinskog načelnika – Odsjek za javne nabavke
5. Arhiva